

楊氏族譜



光緒三年創修

傳家寶錄

澧州  
明文堂梓

楊氏譜序

蓋聞根深者末茂源遠者流長  
非然者本實撥而枝葉未有不  
害源頭壅而派流未有能清者  
也武陵楊氏洵可謂一邑之望  
族矣過其境者見其家敬孝友  
戶說詩書未嘗不喟然歎曰予



孫之昌熾良由一祖宗之積累  
爲之後者可不善爲繼善爲述  
哉考厥世系貴族 始祖貴公  
自江右吉安府吉水縣永樂年  
間來湖南常德以似以續愈分  
愈遠或由常遷豐或由武遷慈  
近則本邑姚家障遠則湖北來



鳳縣最遠則在陝西各處不一  
而環祖業居者不下千百戶四  
百餘年流長末茂固不言而可  
知矣雖然代遠年湮支分派別  
後起者諒不能無慮故登古墓  
而每有蔓草荒煙之慨讀家乘  
而難免別風淮雨之悲爲之平

若孫者得不潛焉出滌咸起來  
本水源之思哉然而知此者鮮  
矣壬申春予至同郡楊子南江  
家塾楊子因修族譜請余製序  
以弁其首予思譜所以管攝人  
心睦宗族厚風俗使人不忘本  
則然也因其請便欣然諾之亦



不遑計己才之謏陋因書數語  
以詳其所自來推其所終極將  
見根本自此固矣源流自此清  
矣後之子孫不知若何繁衍矣  
而人文之蔚起科甲之聯登固  
可揅券而得者矣是爲序

時



光緒三年丁丑歲吉月日穀旦  
賜進士出身即選知縣

禮陽蘇開鎔麗泉氏 拜撰



楊氏族譜卷目

一卷

序

原序

譜序

源流序

續叙

支叙

派叙



聖諭十六條

大清律條

譜說

家約

規範

譜例

凡例

定世字派





修譜名目

編譜字號

五房合同

家禮圖

神王式

傳說

環公傳

天成天才二公傳

啟周公壽序



萬魁公配湯孺人傳

治榮公傳

楊中公壽序

楊中公傳

治高公配周孺人傳

淑貞孺人傳

治松公傳

畢兆公傳

泰階公暨嗣君芳兄傳

南江配朱孺人傳

跋

年表

三卷

歷傳系圖

各房分支系圖

四卷

歷傳此紀

大房仲祿公支下世紀

易氏族譜

卷首 目錄

三

四印堂



大房仲本公支下世紀

二房仲茂公支下世紀

五卷

二房仲相公支下世紀

二房仲英、仲益公世紀

三房仲春公支下世紀

六卷

四房仲俊公支下世紀

四房仲彩公支下世紀

七卷

四房仲秀公支下世紀

八卷

四房仲偉公支下世紀

九卷

五房仲鞅公支下世紀

五房仲富貴臣公支下世紀

五房仲穉時饁公支下世紀

十卷

瑩圖說

各支瑩圖

計塚圖

補遺

脫簡附錄





修譜原序

各族修譜秉筆者必有叙叙者因端以竟其委縷  
析條分一一將事之成叙明者也余將叙其端歟

我

祖繼繼承承前人之述備矣邦將叙其成歟

我族踴<sub>匕</sub>躍<sub>匕</sub>董事之人多矣然而造端簡考成  
余實與其事則甚與有責焉始也余知修譜之任  
大且難獨不知我族修譜之事尤大且難繼也余  
知修譜之例難且繁獨不知我族修譜之功尤難  
且繁噫余豈不知余祖胡爲苦我以難也就其外

論之有人有費有逐戶經簿有宗祠設局似不  
難刻期責成而就其中思之前數十年趙南公有  
此志未逮也近十餘年曙初有此議旋逝也更兼  
以階先生華先生相繼辭世若再遲之數十年不  
知又當何如此余所以不計其難而必期其成也  
無何初設譜局曉山撒手去星槎又作古人噫余  
豈不知余祖之胡爲苦我以難也幸余弟與衆族  
長均切此意量費論功於譜例萬不可贈減者付  
梓合訂至於編次舛誤弁語生疎見笑大方伊誰

之責余則直任之曰吾過矣吾過矣吾性拙而心  
浮亦已久矣是在踵修者

十七世孫知先廩名占春

謹識





楊氏方




四知堂


之責余則直任之曰吾過矣吾過矣吾性拙而心  
浮亦已久矣是在踵修者

十七世孫知先廩名占春

謹識



增補



四知堂



譜序

譜者普也普其類而筆之於書以昭茲來許如天地之周於萬物而萬物各從其類也自其顯者言之日月星辰風雲雷雨天之譜也都鄙山川草木鳥獸地之譜也豈其人爲祖宗遺體譬欬相通而脈相貫者獨無譜乎譬之水與木河海江湖之廣條幹枝葉之榮散則爲萬殊合則歸一本此孝子慈孫興本本源之思切敬宗收族之義而譜於以作焉我族再海公伯明初由江右遷楚卜居武

陵鳥兒峪迄今年近五百世傳三十舊譜火被兵  
燹廢失先代累有修譜之念奈星散碁布兼以  
宗祠未立故有志未逮厥後咸豐戊午年房兄太  
和侄德桂等與族父老子弟約議建宗祠僉曰  
宜由是踴躍從事不日而成合族咸與有幸十餘  
年來聚拜於斯雖識爲同宗之子孫寃難辨其瓜  
之藤緒之繭况前派漸已循周復遲之數十年遠  
近新派不一勢不至於卑踰尊踰戚者幾希予兄  
南江同治丙寅冬手輯本支墨帖一卷稿成思此

非大同之謀復與琛光籌及光果欣然唯亡無何  
天促其算越一年竟赴修文之詔光緒丙子春兄  
情不能已邀同德桂楚材至慈邑姚家湖等處採  
訪歸囑予細心參考澁容編輯自思家之乘猶國  
之史才謏識微曷克肩斯重任夢寐之間無敢或  
忽未幾德桂已作古人矣九族隊裏又弱一个焉  
嗟夫事之垂諸人者爲之也必不易其信然耶第  
世遠年湮無確鑿可據者何敢謬加臆斷此其中  
固有所不足也在天之靈庶幾諒之聊以俟繼起



者之知所從類有所緒拙去爾

十七代

孫知榜石臣甫

謹識



源流序

聖人南面而聽天下所宜先者曰治親故書曰以親九族禮曰敬宗收族此人道之所重歷千百世而未敢易者也我楊氏得姓沿於春秋衍自羊舌瓜瓞綿延本源昭然不爽第鑑史所載自漢以來名流俊彥指不勝屈有若漢之震公隨之堅公明之波公年湮代遠世譜難稽惟我祖再海公本籍江西吉安吉水子文興公孫貴公自明初移籍湖南貴公生景銘公至六世楨公

業興烏峪棟宇四十八支居近龍門塘堰一共五  
口傳家守清白之風分房得天地之數四百餘年  
可考者固爲不少舛錯者亦屬甚多脫不譜焉則  
親者將爲疎近者不知遠安望親親尊 祖敬  
宗收族乎是以遠自始 祖一脉淵源不紊世守  
之序千秋承繼咸展孝思之誠厥後支以分支明  
如朗日派以分派恍若列眉庶三鱸之家聲不墜  
四知之世澤維新矣

裔孫世能湘浦氏

敬 譏



續叙


從來國有史家有譜其義一也國無史不能考其山川賦役與夫人物風俗家無譜不能考其本支脈絡以及長幼次序夫得姓受氏以來多歷年所其中有盛有衰有聚有散奚能俾後之人尋源索根條分縷析也惟著有譜則世系朗若列眉宗派瞭如指掌如絲之有繭抽之不慮其縈瓜之有藤釋之而得其緒不然則處骨肉如陌路手足如秦越矣譜之修曷可緩哉余族

世家江西始 祖貴公遷居常郡武邑詩書垂  
訓家道漸興由是儲蓋藏者有人登科第者有  
人至于咏子衿而歌鹿鳴者亦濟濟多士矣何  
莫非 祖德 宗功之所留遺哉彼世之遙扳  
貴族遠引華胄徒以焜燿人耳目其不至於混  
宗誣 祖者幾希是以由本及末因流尋源按  
支而分晰之依類而編輯之無非以本支脈絡  
爲不可紊長幼次序爲不可忽也而此代之盛  
衰居地之聚散皆寓於其中後之人不可考而

知乎是爲序

裔孫宗灝字文藻號瀚臣

敬敘





香林方音



四庫全書

支叙

蓋聞波流萬頃雖遠近之勢異溯其源頭則一也樹高千仞縱疎密之形殊考其根本實同也我族氏承羊舌系出弘農先世名公鉅卿殆不乏人然無確鑿可據者不敢妄附簡端此亦狄青不敢祖梁公之義也今斷以

再海公爲始祖 貴公爲遷移之祖由明初起於豫章遷來荆楚宅卜鼎城之北地鄰龍洞之南愛落子山荷花堰諸勝蹟遂創業七丘東村

鳥兒峪夫名以鳥兒峪者蓋形似飛鳥羽翼生成勢若翺翥集依周匝觀潮水之濼洞故名天鵝抱蛋覩衛砂之環繞又曰鐵螺望象歷五傳而至

禎公乃生五子

璇環

瑤

瓏

琥五公

始分五房人文蔚起家道頗興修造瓦屋四十入支堰塘合共五口及興隆街黃山峪庄房兩所比戶而居清白之家風百年聲震共村而處弘農之世澤萬古名傳迄今四百餘年其中之



生遷卒葬，指不勝屈，使不修譜以連絡之，晰載之，安能有條不紊乎？予用是遠由。

貴公考徵文獻，斟酌繼承，不惟蝨斯之蟄，且朗若列眉瓜瓞之綿，七瞭如指掌，庶幾尊卑有序，蘭桂騰芳，展卷而知根本之有自，源頭之所來矣。

十九世孫宗奐字美先

敬撰

補遺



四矢堂

派序

蓋聞宗廟之禮所以序昭穆也支派有本所以溯淵源也故自古得姓受氏歷世相傳俾千百年無混者非宗派之衍何以溯淵源而序昭穆哉我族自三世祖

貴公前明永樂年由江右吉安來

楚南常郡武邑迄今近五百年矣支分派別蕃布星居甚有至於遠遷者我澧與慈其往來猶通也餘則陝西各處及湖北來豐往往數代不知清祖者也幸八世後派衍金鳳仲正大有萬治應知



世宗克昌永紹十六字至今相傳未艾近遠猶各  
知收穆所在但已歷至四之三使不祖其義而  
擴充之行將淵源有本昭穆無序則新派之撰烏  
容已哉茲當譜功告竣謹續派銘十六字曰名人  
丕振家定成兆先業傳愛恒久維昭後之子孫推  
而至於累百累千庶幾聯絡無窮綿延不紊則余  
之厚望也夫

裔孫知先字登岸號南江氏

敬叙

易氏英

卷

聖諭

一四



聖諭



恭刊



一十六條





敦孝弟以重人倫  
篤宗族以昭雍睦

和鄉黨以息爭訟  
重農桑以足衣食

黜異端以崇正學  
講法律以儆愚頑





尚節儉以惜財用  
隆學校以端士習

明禮讓以厚風俗  
務本業以定民志

訓子弟以戒非為  
息誣告以全善良



誠匿逃以免株連  
完錢糧以省催科

聯保甲以弭盜賊  
解仇忿以重身命

孝順父母

人生在世聖賢皆可作須從孝上做起順上行去這孝順二字是人所最要緊的事若是人能孝順就是好人若不孝順使有法懲治他了看那

大清律上有云

○一子孫違犯祖父母父母教令及奉養有缺者杖一百

○一子孫罵祖父母父母及妻妾罵夫之祖父母父母者並絞毆者斬殺者凌遲處死



○一居父母喪而身自嫁娶者杖一百離異  
○一聞父母喪匿不舉喪者杖六十徒一年喪制未終釋服從吉及居喪男女混雜飲酒食肉者各杖八十

○一棄毀祖宗神主者依棄毀父母死屍者律斬然則人可不孝順父母哉

尊敬長上

尊以禮言敬以心言禮從心出不是虛文人凡遇尊長在上一切稱呼拜揖坐行言語之間都要事

事盡禮實實敬讓纔事好人不尊敬長上便有法  
懲治他了看那

大清律上有云

○一弟妹毆兄姊杖九十徒二年傷者杖一百徒  
三年死者斬

○一姪毆伯叔父母姑外孫毆外祖父母加歐兄  
姊一等故殺者凌遲

○一叔父祖妾及伯叔母者不問被出改嫁各斬  
若兄亡叔嫂弟亡叔弟婦者不問被出改嫁俱

坐各絞

○一凡毆罵總尊長以上加等杖笞

○一凡奴婢罵家長者絞毆者斬殺者浚遲過失殺者絞

○一各處刁軍刁民挾制官吏陷害良善起滅詞訟結黨捏詞誣告把持官府不德行事等項重者邊衛充軍仍於本地方枷號三個月

○一官司差人追徵錢糧勾攝公事而抗拒不服及毆差人者杖八十傷重者杖一百流三千里



疾者絞死者斬若逃避山澤不服追喚者以謀  
叛未行論爲首者絞爲從者杖一百流三千里  
其拒敵官兵者不分首從皆斬妻妾子女爲奴  
財產入官父母子孫兄弟皆流三千里然則人  
可不尊敬長上哉

和睦鄉里

凡鄉里城市同街共井都是鄉里旣謂之鄉里則  
與田地相連房屋相比切不可因些須小忿拚成  
大釁失了同鄉共里和睦必須出入相友守望相

才  
助疾病相扶持凡冠婚喪祭之事俱要致敬盡禮  
這纔是好人若不和睦鄉里便有法懲治他了看  
那

大清律上有云

○一凡罵人者答互相罵者各杖

○一毆人吐血杖八十折人齒指髡髮者杖六十

徒一年折劬眇目墜胎及刀傷者杖八十徒二  
年瞎兩目捐三肢以上並杖一百流三千里將  
犯人財產一半養贍仍引持克劍克軍事

○一凡共毆致死下手者絞元謀者杖一百流三千里餘人俱杖

○一將田宅重復典賣以所得價錢計贓准竊盜論田宅從原典買在

○一盜賣冒認並虛錢實契典買及侵佔他人田宅者杖八十徒三年朦朧投獻官豪勢家與者受者各杖一百徒三年投獻之人仍引例充軍然則人可不和睦鄉里哉

教訓子孫



人家子孫宗支要他接續家業門戶要他承立養  
生送死要他周旋子孫一身關係匪小爲父兄者  
必要教訓他敬請嚴師設立規矩歛其性情使之  
知禮識義士農工商各歸一業這纔是個好人若  
不教訓子孫聽那子孫所爲設若那子孫所行不  
善便有法懲治他了看那

大清律上有云

- 一凡子孫故違祖父母父母教令者杖一百
- 一房舍服器之類各有等第若違式僭用者笞

五十罪坐家長

一許嫁已報婚書及有私約而輒悔者答五十  
○若再許他人未成婚者杖八十後娶者知情與  
罪同財禮入官女歸前夫前夫不願倍追財禮  
給還

○一凡同姓爲婚者主婚與男女各杖六十離異  
婦女歸宗財禮入官然則人可不教訓子孫哉  
各安生理

生理二字生卽是營生之生理卽是天理之理順

才  
理營生頭頭是道凡人只要存個天理良心士農工商都要安自家本分這纔是好人若不各安生理便有法懲治他了看那

大清律上有云

○一私放錢債取利不得過三分年月雖多不過一本一利若強奪去孽畜產業者杖八十追還以債准折人妻妾子女杖一百強奪者加二等因而姦占婦女者絞人口給親債免追

○一田地無敢荒蕪者應課種桑麻之類而不種



者杖八十

○一脫漏版籍避逃差役者杖一百欺隱田糧詭計洒派等項杖一百其田入官所隱稅糧徵納

○一私鑄銅錢者絞偽造金銀者杖一百徒三年然則可不各安生理哉

毋作非爲

凡人做那不順理的事便是作非爲試觀世上的人那個沒有良心天理只因後來或爲物欲遮蔽或爲世情牽引便不肯學好作那不當爲的事了

你一作那不當爲的事六百發露便有法懲治  
了看那

大清律上有云

○一鬪毆殺人不問手足他物筋兩並絞故殺者  
斬同謀共毆人致死下手者絞元謀者杖一百  
流三千里共毆之人執持兇器發邊外充軍戲  
殺誤殺各以鬪毆論抵

○一謀殺人造意者斬從而加功者絞不加功者  
杖一百流三千里傷而不死造意者絞從而加

功者杖一百流三千里

○一強盜得財不分首從分贓窩主造意皆斬竊盜掏摸得財刺配三犯者絞知盜後分贓及接買寄藏俱發邊衛充軍盜牛馬畜產以竊盜論刺配盜田野谷麥菜菓准竊盜論

○一和姦杖八十有夫者杖九十刁姦杖一百強姦者絞未成者杖一百流三千里姦幼女十三歲以下雖和同強論

○一賭博財物者杖八十攤場錢物入官若沿街



寬酒撒潑開張賭坊者仍加號三個月


○一師巫假邪降神書符咒水及妄稱白蓮等教  
燒香聚眾佯修善事煽惑人心爲首者絞爲從  
者各杖一百流三千里造妖言妖書者斬里長  
不首者笞四十然則人可妄作非爲哉

譜說一則

從來家之有乘猶國之有史也顧史畧而譜詳三代後修史者不一家總之不離傳信傳疑者近是若譜則攷之遺帙訪之故老綱舉目張瞭如指掌其爲用上可以繩祖武下可以示子孫外可以明尊卑內可以敦友愛且處常可以斗室藏之處變可以行橐載之即移居千里外春秋亦可奉而祀之闕世修之勿替引之庶無失祖離宗之虞也已乃世之人不知先王作譜之義反謂譜爲一家

書不足以傳當時後世豈知人事代謝舍譜將柯  
以取信耶此殆如祖宗之遺器子孫棄之僕隸  
竊之而行路傷之也悲夫

齋孫占春南江氏識





# 家約四要

## 一孝弟

聖王以孝弟治天下事親孝故忠可移於君事兄敬故順可移於長人若不孝不弟便與禽獸無異故做人第一要從孝弟上做起人子之事父母下氣怡聲愉色婉容寒燠必問飲食必具出入必告事兄長知敬知愛手足與共則一家之中皆和順之氣雍穆之象蒸匕日上乃祥徵也我族人有能孝順父母恭敬長上便十族之人知所觀感則立

木  
身  
言  
一  
四  
矢  
堂  
愛自親立敬自長家道成而風俗淳矣我祖孝友  
行於家傳於子孫宜敬承順德勿怠勿忘此天經  
地義人倫之首百行之原不可不知也

一治家

古者修身齊家然則治家之道先從修身起如何  
修身即此日用庸常之事見於君臣父子兄弟夫  
婦朋友之間各盡其當然之則而無過不及之差  
施於事而皆宜準於義而皆當使一家之中尊卑  
上下內外男婦大小肅然整齊則修身而齊家則



治國平天下之道亦自此而推也我族人有能修身齊家使一族之人知所觀感則施於有政是亦爲政不出家而教成矣至於室家臻於富饒風俗總尚敦龐我祖世居鄉里質樸渾堅一切冠婚喪祭俱稱有無飲食服物俱從儉樸不可開奢華之端此治家保富之要不可不知也

一讀書

古人讀書明理身體力行非徒事佔畢而已也故讀書第一要立品然文以載道四書十三經爲文




章之根抵必苦心肄業博學強記經術湛深則體  
有積書筆無凡響詩文詞賦把筆自然淋漓酣暢  
也我族人於子孫之質鈍者即以力田爲務於子  
孫之聰慧者雖家貧必擇嚴師以教之果能尊師  
重道誠心教子斷無不發之理我祖傳訓以讀  
書力田爲務子孫宜敬守勿替至若風水之說妥  
慰先靈祥徵子孫亦不可不講試觀發祥之家陰  
宅陽基必有可觀斷不可因貧而苟且從事也此  
根本之地讀書者尤宜知之

一做官

古者建官惟賢位事惟能大則勲功偉烈小則循分盡職爲得人而治也今人於得官之初卽忘却做官之理一官到手便安富尊榮飲食衣服窮奢極欲甚至剥民之膏以濟其貪噬之私卑鄙齷齪曲盡其逢迎之術卒至事發身敗名裂竟有不保其首領者嗚呼何其愚耶夫顯親揚名高曾而上祖宗固樂有是子孫貪官污吏百世而下子孫且不嘗有是祖宗矣我族人有能出仕做官無論官

職大小切要存好心行好事做好人  
體天地生成之恩 祖宗培養之德  
須知爾俸爾祿民膏民脂  
清慎勤三字乃爲官之要  
訣刻薄貪酷乃絕滅之  
根緣此立定腳根之要不可不慎也





# 規範

十條

叙曰家有規範猶國有法律也法律不明則朝野無以爲奉行之準規條不飭則家庭何以爲服習之常是以古之君子必著爲章程立之禁令以垂訓子孫子孫之賢者將修明而傳述之其不賢者亦有所顧畏而不敢犯雖無老成人尚有典型斯之謂矣然而法不尚於繁多事無取乎苛細茲特約舉大端爲之究極其情弊而屬以儷詞俾家衆

欽容莊誦油然思惕然警且翻然悟凜比乎祖宗  
之繩尺而遵循不懈此正家第一義也

一敦孝弟

堂堂七尺之軀試問何人生我澗比九州之內請  
看幾個同胞繼乳育以撫摩惟父母劬勞莫甚自  
非弁而耄耄獨墳箠情誼偏長故五倫總屬綱常  
而百行尤先孝弟凡吾族姓宜共敦修秀者澤詩  
書務遂顯揚之願樸者安耕鑿還勤甘旨之供手  
足由一体而分須若鳴琴鼓瑟枝葉本同根而出

何爲煮豆燃其無如世俗易移以致天親不篤或  
養成驕惰之氣定省全疎或習慣紛奪之風友恭  
盡失或以後母而生猜忌誰知閔子衣單或以庶  
弟而致欺凌孰似薛包田瘦種種乖瀆之習皆非  
名教所容然而堂構之貽慚多因妻子閨牆之名  
釁總爲家財割私愛而厚天彝自應堂前順志重  
人倫而輕財物必無室內操戈孝子還生孝孫天  
道循環不爽難兄自有難弟家道昌熾何疑勿謂  
迂談咸期猛省



一敬尊長

分別尊卑齒分長幼諸祖諸父咸居九族之尊以  
事以隨斷自十年而上禮儀不飭或同人道於馬  
牛恭遜無間不異能言之鸚鵡大聖人且言恂而  
貌恪况屬凡庸古天子亦尚齒而引年矧茲士庶  
夫何輕浮後進儼薄少年畧讀數行書便嗤樸魯  
多叔幾斛麥輒鄙貧寒疾行長者之前不耐老人  
緩步儼列先生之位且從席上橫肱任意憑陵敢  
侮皤匕之家督恣情戲謔全欺奕匕之宗盟唯噤

趨蹌視爲末節。擊拳曲跼。漫曰虛文。豈知作亂之  
原。端由犯上。還思自牧之道。莫若謙卑。滿則必傾。  
豈得聽其躐治。傲不可長。何容縱彼跳梁。尊祖故  
敬宗。敬宗故收族。宜從根本上行來。德修而行立。  
行立而名成。正在家庭中做起。我欲胥爲佳子弟。  
人故樂有賢父兄。

一和鄉里

客滯他鄉。每憶枌榆地。勝人羈異國。惟思桑梓情。  
深祖宗之丘墓。相依誰甘棄。此先人之敝廬。在是

更欲何之但既共井而同方尤貴行仁而尚義從來訟獄之滋起多由鄉黨之不和或以口角譏評積爲怨府或以兒童嬉戲釀厥禍胎或此姓顯榮彼姓忌同藜刺或一家殷富他家嫉甚仇讐或田畝連疇混於前而奪於後或婚媾致寇好以始而隙以終總之角勝爭長舟中無非敵國倘能平情察理宇內盡若陽春念此父母之邦奚容秦越之視務解紛而排難遠近共恃其干楸且濟困而扶危彼此交資爲筦庫雞豚芋菽極歲時暇豫之歡



燈光桑麻盡里社團園之樂黃童白叟嘯詠年年  
北陌南阡徜徉日也何必彥方始稱君子之鄉詎  
獨延賞廼號鳴珂之里願與古爲徒自吾族而始  
一飭婦儀

詩首河洲之詠化始閨門易占中饋之文義重壺  
內歷觀彤管咸誦女宗載繹細編羣推婦訓但問  
室人之賢否因知家道之廢興蓋丈夫志在四方  
惟恃細君良淑卽開門事有七件孰非健婦撐持  
奉舅姑而養志歡承滄澹之中助夫婚以成名取

且雞鳴之候內而諸姑伯姊人人務得其心外而  
姻婭宗親在在宜將其禮貧能安分井臼自必晨  
操火可乞鄰機杼何妨夜織從古賢人伉儷恆多  
憔悴姬姜仲卿床頭卧牛衣而隕涕伯鸞廡下舉  
鴻案以增悲况乎集蓼茹荼猶且和丸割菘柔腸  
百結方看蘭芷之馨勁質千磨永矢栢舟之操是  
則閨門之艱苦倍甚於丈夫所以士女之徽音亦  
隆於今古若乃不諳操作惟知飲噉爲工未解柔  
嘉止見讒妬是尚塗脂抹粉年年寺院狐遊拍案



搥胸日亡河東獅吼似此承祧無狀必將嗣育非  
良宜援七出之條以正三從之道

一 務讀書

千年閹閹之宗必是家傳黃卷歷代簪纓之胄無  
非世守青緇金張七葉顯貴盈朝王謝兩家風流  
滿巷莫不枕經薛史因而馳譽騰休彼其失學之  
原大抵爲貧所使究厥長貧之故良由不學而然  
朱買臣市上行吟擔薪自若高文通庭前諷誦漂  
麥何傷非無緝柳編蒲終成大器亦有囊螢映雪



卒號道儒縱令十載無聞伏處長鳴之櫪還勝一  
丁不識貽羞沒字之碑況乎遇合有時亦且報施  
不爽幾見博洽多聞之彥盡隔青雲未聞興賢選  
俊之朝概遺白屋但由寒素掇科名慎勿得科名  
而忘寒素每因文章悟道德奚容棄道德而炫文  
章如爲喪元氣之縉紳大乖名教卽若管衙門之  
秀士亦玷宗祏生平所學何事男兒當用深思  
一勤本業

漢設力田之科與茂才並重農列四民之次視工

賈爲先嘗聞冀缺賢妻田中饁餉共說南陽高士  
隴上親耕戴笠荷鋤自是編氓本分占晴課兩原  
爲寒士家風願稼穡之艱辛粒匕皆從胼胝田疇  
之作苦時時難免塗沾倘四體弗勤安望有年有  
幹卽三時不害豈真如櫛如墉於是羸欲千金競  
效陶朱之術利求三倍羣思倚賴之謀托跡江湖  
膽落馮夷之波浪依身市井習成狡獪之浮夸一  
旦經營失計而子母皆虛夜盡冰寒徒見明月空  
載時衰鬼弄適逢薦福雷轟乃知逐末以營生不



如力農而務本歲時伏臘家家兒女歡闐雞犬桑  
麻處處室廬安樂今年荒歉還看來歲豐收百日  
勤劬却享三冬逸豫若乃不耕不鑿惟知吃飯穿  
衣非士非商但識尋花問柳誤盡下稍頭嗟何如  
矣求爲田舍翁顧可得乎

一崇節儉

稱豪爽於富人定然色喜勤省約於貧士孰不欽  
承富者囊橐有餘驕奢安惜貧者饕餮不給揮霍  
無從故此胄之邪淫宜大申其誥誡若茅簷之寒



素亦應惕以箴規蓋人情多厭樸而趨華而世俗  
每好奢而惡儉在貫朽粟紅之戶固未能持盈卽  
繩樞甕牖之家亦誰知安分儲無擔石偏思巽列  
珍羞地少立錐尙欲衣裁羅綺酣歌痛飲不恤妻  
子啼饑賽會迎神罔念室家懸罄似此浸淫由己  
勢必俯仰依人告親戚以乞哀不啻上山擒虎向  
豪門而借貸徒然剜肉醫瘡豈如烈當前之澹泊  
省不急之經營畱有限之脂膏屏無涯之嗜慾清  
貧立品且圖無辱無榮勤儉持身更可漸充漸裕

此日家徒四壁不妨數米秤薪他年積有千箱還  
必解衣推食若效執籌鑽核之貪夫人將嫌其銅  
臭如爲扁篋慳囊之鄙予我亦笑其錢愚

一急官糧

國家惟正有供敢不輸將恐後長吏考成攸係能  
勿悉索爲先士豈不愛功名抗賦則隨加襍奪民  
豈不惜肢體逋糧而動受官笞是以石壕老婦之  
詩實警心於呼吏郎如風雨重陽之句亦敗興於  
催租原夫有田出賦本千古之常經奉上急公亦

小人之恆分徵收有限原非春日而欲責秋糧輸  
納宜勤何故乙年而未完甲稅積逋貽累有司按  
籍以求追比逢期虎役持牌而至兩足到門先需  
酒食肆言出口還索苞苴計欲朦朧必乞包荒於  
胥吏思圖寬假更求緩頰於鄉紳冊上之掛欠仍  
懸室內之脂膏已竭因而張冠李戴致令東家賠  
西舍之糧甚至產在人亡徒使子孫受祖宗之累  
向使年年清結何爲新舊交征倘能限七依期奚  
至身名俱敗莫若納稼收禾之日先計官租且於



仰事俯育之先早圖國稷親行投納免包攬之侵  
漁收票分明作已完之憑據奉公守法官府不得  
呼其名樂業安居差役無能擾其室士可一意於  
詩書民亦安心於畝畝如爲抗租之頑夫卽非克  
家之令子

一 禁賭博

名教之樂地原多豈必千塲縱博市井之類風最  
甚莫如一擲呼盧乃有獗獍少年巧設牢籠之術  
遂令浮遊子弟墮流坑塹之中習以成風處處混

江打虎夜以繼日時時馬吊猪窩不思家業艱難  
競欲樗蒲百萬惟見門庭雜沓居然食客三千人  
局則牧豎販夫皆如伯仙登塲而啞啞叱咤莫問  
尊卑失業廢時不顧父兄之教毀名敗行恒貽妻  
子之羞卽暫贏而贏者終輸枉却頭錢空去思求  
復而復乃益負筭來孤注何存滿案青蚨半散揮  
科閔漢盈箱白襪總歸落地囊家未聞賭塲浪蕩  
之兒富如倚賴多有高門破落之戶餓死翳桑過  
後淒涼悔不當時歇手現前昭鑑勸從今日回頭


屏戲具而弗親見卽投諸水火却淫朋而必遠望  
焉疾若仇讐如其犯禁違條斷懲家法倘或飾非  
怙過仍送官刑

一戒充役

起刀筆於公庭競羨蕭曹事業拔廝奴於行伍羣  
誇衛需功勳詎謂輿臺牧圉之中必無竒士但以  
奔走趨承之外不乏良圖官縱仁明衙前終非好  
地人能成立分內可以營生奚爲清白舊家甘作  
公麼賤役跼躄矮簷之下啼笑何從馳驅馬足之



聞答箠不免遊談習慣心術與以俱移法網偶逃  
意氣因而自得舞文翫法胆遂包天攬賊侵糧貪  
難填壑狐而假虎之威自是張牙舞爪狗乃入兔  
之窟能勿鼓吻搖唇罔知物換星移之候到手都  
空逮及水落石出之秋走頭沒路三尺之桁楊屢  
受辱及先人經年之狂狴難離禍延堂族始信披  
身多誤方知托足宜嚴衙役錢財總是浮雲閃電  
公門酒肉何如淡飯黃齏長爲寒士以終身亦可  
書香不愧卽令農夫以沒世猶於祖德無慚



# 譜例

十條

一 正例式自古名門巨族莫不有譜叙譜之家體式不一吾族系譜吊圖之式倣殿陽公五派一轉至叙世系酌以蘇式雁行爲得體如叙一派擡生父於木丁之上所以正名分也提娶氏於各行所以重匹敵也其有名諱字號生卒年月葬所山向及所生子概從本名下雙行直叙並有某

祖某妣之墓誌亦即鐫於各祖各妣之左至無生卒葬所及有公無妣與有公妣無子者書未詳遺



等字俾閱斯譜者開卷瞭然嗣後續修永爲法守  
慎毋變亂舊章也

一清房分一族之中子姪繁衍殊難合一若使前後  
統叙亦何由識尊卑長幼之分明遠近親疎之別  
乎勢不至立房分別支派不可吾族以海公爲  
始祖自七世分爲老房五支支內七世至十世某  
公某公分敘其餘均自十世叙下再不必分別小  
房誠以人有多寡叙法不能強同故也至各支首  
悉註明某支某公世系世次相承毫無紊亂也

一辨承繼自古興滅繼絕律有明條吾族由上及下  
由今觀前不無嗣息維艱過繼承祧者或以應繼  
或以愛繼或有擇賢而繼當知律載無子者許令  
同宗昭穆相當之姪承繼不許失序亂倫若異姓  
之子不得承祧皇皇列祖凜凜家規鑿七律例  
如之何其可瀆也再世紀圖過房撫養於本生父  
名下註明第幾子某出繼某人爲嗣於嗣父母名  
下註明嗣子某庶人承出繼不忘本也上嗣下續  
無誣附也

一清坵墓族中墳塋宜據實確圖蓋自始祖而下  
即有闔族合葬公塋又有各房合葬公塋甚至支  
派疊分而權宜便葬復有各支公私之別或係  
祖遺或係置買以及塋形大小寬窄未及全錄俱  
書照契據分關執管亦間有載弓口丈尺者庶各  
塋圖內永杜侵越又如族房合葬公塋大者一塋  
數十塚小者一塋十餘塚雖實錄中各書葬所而  
上下有左叅差錯葬或有碑或無碑多莫辨其誰  
祖誰宗孰考孰妣故必一一詳繪確註其名使後



世覽譜昭然易於便識也惟世遠年湮無碑可考  
失傳而未失祭掛者則但圖圈以存其塚數俾後  
世得以相滌祭掛永遠勿失也

一遵忌諱忌諱之說由來舊矣陳以司敗諱司寇宋  
以司城諱司空魯以獻武諱具敖傳有明文於今  
爲烈是以宣聖言在不言徵言徵不言在朱文公  
終身不敢書一慎字遵忌諱也譜內世系書各書  
字不可有犯

本朝廟諱

聖上御名

至聖先師諱今見族屬中先後輩同名犯諱者甚夥  
已往不咎將來可追嗣後族屬人等生子命名必  
先查譜切避犯諱同名之弊此之不可不慎也  
一謹派序先代命名原有定派他族相沿久矣我  
祖八世以上未取派名自八世始編金鳳伸正大  
有萬治應和世宗克昌永紹十六字後援其義而  
廣之已至三十二派茲未再增繼起者觸類引伸  
由是而累百累千庶幾聯續無窮有條不紊也

一別傳贊人雖至惡莫不欲榮其先人故有不辨虛實概假某某或作傳辭贊語以爲吾某翁某妣如此文學冠列譜首不知鋪張過實其誣先人實甚况褒善貶惡古人所以感發人之善心懲割人之逸志譜內所列傳贊必本先人實行不加粉飾使後世子孫知所法守原非以褒美前人至於現在伯叔兄弟其德行足爲子孫儀型者概不列傳

一正名分天地一大夫婦人生一小夫婦夫婦顧不重乎哉然或艱於嗣續致納偏房而溺於情慾之



輩往往視嫡配如讎人不知以妾爲妻則有明禁  
何得縱情溺愛甘蹈法網譜內續娶及有嫡庶者  
必謹書曰原配某氏繼配某氏妾不書配曰副室  
某氏明恩義也而所生之子必各各許名曰某氏  
生某某出於某氏所以正名分重匹嫡也蓋其不  
敢混淆也欲其不忘所生也不忘所生然後知所  
生者安也

一議主事一族之內必立族長一房之中必立房長  
蓋族長不立則房長無所稟承而房長不立則族

長亦難以遍察此族長房長之所以並重也顧正  
直邪曲分別甚難在選舉之人大從公議無論年  
之老少及外之尊卑酌定某可以爲族長房長限  
以三年一換不得推諉既舉後各房內有事遂聽  
族房長吩咐毋得違命干咎至族長房長必秉公  
矢直以肅一族觀瞻倘或品行不端從中射利及  
徇情挾私等弊俟秋祭另行更舉不得拘三年常  
規然却不可自存臆見第執一面也

一重譜牒譜牒一書先人所以傳示後人而後人所

當世守者也。但子孫賢不肖未可知。保母有自行添註塗改及親朋與人構訟借與作証者。族房長一經聞知查明實係某房子孫譜據並知情隱匿不報者均着入祠堂議處。譜中所載亡名生丁至本年臘月止。其中或有缺畧與後生丁亡名年月日時及配某氏者。另置紅藍二譜以便記載。無許填寫本譜內。嗣後續修仍將此譜如數繳與族長另換新譜也。



# 凡例

一譜牒之修必先考其始祖之所自來示後人以不忘本也吾族原籍江西吉安府吉水縣十二都急水灘拖船埠大栗樹土地人氏前明永樂二年貴公遷居常郡舊譜失傳惟知其祖再海公爲始祖不獲考始祖之上爲某祖後起者倘能由海公而上溯之歷歷詳明補余等之所未逮則可謂無遺憾矣

一譜之開端必

聖諭十六條所以俾戶衆知所遵循同歸於善一展  
譜而觸目警心則不愧爲良民卽不失爲孝子也  
一家禮圖本乎天理當乎人情列之於譜雖不必盡  
膠陳迹而存其矩矱大可約束人心而不致範圍  
或失

一系圖中以五世爲格先將五世次第標著篇首如  
網之有綱衣之有領然後將五世各自一絲引去  
毫無紊亂寫畢前五世另標著後五世而前五世  
系圖旁註明生子幾如後五世上係六世卽前五

世下系圖旁所註五世之子例於本名上細楷橫書註明某公之子仍於本名下引絲牽垂按世分派有兄弟行者亦於本名上註某公幾子本名下各引絲按世牽去庶格上斷續相連脈絡分明瞭如指掌推而至於百十餘格皆倣此例

一系圖之制但書名不書字不書配不書生歿葬所蓋垂絲所以聯絡世系即所以清白世系若預爲詳書未免重複故曰系圖與世紀二者相爲表裏缺一不可並非好爲繁苦也



一實錄之制不用五格但標著一代世系於篇首驀直寫下如 欽公之屬八世則此支之屬八世者雁行序列不得多分頭緒故必將八世叙完然後另叙九世也

一叙一人實錄必將其人之所自出細楷橫書於上以便查核在單傳者則曰某公之子有兄弟者則曰某公第幾子也例書字書號書配書生歿年月葬處墳形山向逐一詳記人品造詣不書爲族之繫也其所書者蓋自前人言之示後昆以不忘也

首後昆言之令其知自貴於物抑以永後不忘也  
後之視今亦猶今之視昔也

一出母不書爲其與廟絕也仇而父也禮也例於書  
父生歿葬處之後繫以徵詞曰某氏出然後註明  
生子某某蓋其猶得繫之以氏者推子之恩也其  
不得與終節者齊微比例者伸夫之義也恩義相  
權權以禮也昭勸懲也

一乏嗣而無人承祧者於實錄中必書葬處墳形山  
向冀共祖同宗之人照應此一抔土也

一遷徙不知地方者書曰遷居未詳知地名而音信濶絕者書遷某處冀後日之返本也亦以嚴真儻也

一忠臣孝子義夫節婦均宜作傳以贊美之所以表正氣而扶綱常勵人心而維風化也

一本譜內自十六世以上書公書妣所以明有尊也十六世則生書氏歿書妣以下皆秉筆之同輩後輩概書名氏不書公妣所以明有親也

一男子已成婚者書配未成婚者書聘女已嫁者書



一 遺未嫁者書許未許人者書待字所以明嫁娶正  
婚姻也

一 譜內生配歿葬必詳書之其有不能詳書者從其  
來稿不敢妄爲添增致滋疑竇

一 有姪輩無可繼立者則於姪孫輩擇立嗣孫系圖  
用長線繫之世紀仍歸孫輩上書某公嗣孫所以  
明秩序也

一 字之數目有限而人之蕃衍無窮必通族之名諱  
俱避其勢有不能故旁支遠族有名字間同者不

必拘也

一墳墓祖宗體魄所依卽子孫榮枯所係譜內族中公墳及私支公墳葬屬塋山樹木毋許私行砍伐開墾希圖吉穴逼截牽套與貪得蠅頭出售外姓者查係某房子孫卽着入祠堂公處公罰

一族長體不宜褻逐年選能幹公直數人分理族事春秋兩祭當先會議某長者主祭禮生某執事某預爲排定以誠爲祭祭畢率族人於宗堂展視宗範一道有過犯者責而罰之以示懲戒



一 營事必擇殷實老成者倘有修理公務須會同族  
公議毋得擅自開銷至各處田稞每年八月公收  
定期來年五月糶賣候秋彙馮族面算如有侵蝕  
照數倍還

一 赴席理宜誠敬以昭親睦如有飲酒亂性觸犯尊  
長欺凌卑幼以家法責懲至毀碎什物除賠還外  
查係某房子孫再不准入席

一 各房伯叔兄弟或有口角必先鳴族至祠理論遂  
聽族張秉公開釋如仍執拗不悛出送公庭



木  
一  
家譜不立恐代遠人蕃前者易泯後者難知嗣後  
限以六十年一修庶幾家乘猶存所傳甚確萬勿  
愛財惜力有負前功

一編修族譜頗費心力本期一名一字毫無訛錯乃  
有來稿未清眉目先代失傳墳墓莫考以及逃散  
遠遷或揣擬其名者知不免有訛錯也幸爲秉筆  
者諒之

# 演世字派

進夫姓統二宗自不容於或紊各由獨著要無取乎相同第椒  
衍瓜綿世愈多而丁愈衆珠聯璧合序宜秩而派宜清誕一人  
卽昇一名固冀聲稱洋溢冠一字以該一世庶幾倫次分明我  
族舊寫誠意簿內始祖海公至七世多單名惟二世曰文  
四世曰景五六七世旁取木衣玉等字亦或任意命名不暇紀  
律於七世之次始編金鳳伸正十六字今子孫世及將已循周  
茲祖其義而廣之至三十二派後起者觸類引伸庶昭穆次序  
聯續無窮有條不紊云爾

所取派字詳列於左

金鳳仲正 大有萬治

應知世宗克昌永紹

名人丕振家定成兆

先業傳受恒久維昭



